

Ministarstvo obrazovanja i nauke Tuzlanskog kantona, u postupku po zahtjevu Univerziteta FINRA Tuzla broj: 01-688-1/23 od 31.8.2023. godine, za licenciranje studijskog programa trećeg ciklusa studija „Ekonomija i digitalno poslovanje“, na osnovu člana 27. stav (6) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 22/21, 5/22, 11/22 i 16/22) i člana 21. stav (1) Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22), donosi

RJEŠENJE

1. Univerzitetu FINRA Tuzla, odobrava se izvođenje studijskog programa trećeg ciklusa studija „Ekonomija i digitalno poslovanje“, u trajanju od 3 akademske godine (6 semestara), čijim završetkom se stiče zvanje Doktor ekonomskih nauka (sa užim usmjerenjem) koje se vrednuje sa 180 ECTS bodova.
2. Dozvola za izvođenje studijskog programa (licenca) za studijski program iz tačke 1. ovog rješenja izdaje se na period od pet godina, i vrijedi za upis studenata počev od naredne akademske godine.
3. Univerzitet FINRA Tuzla dužan je Ministarstvu obrazovanja i nauke Tuzlanskog kantona dostaviti zaključene ugovore o radu sa nastavnicima i saradnicima do početka naredne akademske godine.
4. Ovo rješenje proizvodi pravno dejstvo danom njegovog donošenja.

Obrazloženje

Ministarstvo obrazovanja i nauke Tuzlanskog kantona (u daljem tekstu: Ministarstvo) zaprimilo je zahtjev Univerziteta FINRA Tuzla broj: 01-688-1/23 od 31.8.2023. godine za licenciranje studijskog programa trećeg ciklusa studija „Ekonomija i digitalno poslovanje“. Postupajući po predmetnom zahtjevu, u skladu sa odredbom člana 27. stav (4) Zakona o visokom obrazovanju – prečišćeni tekst („Službene novine Tuzlanskog kantona“ broj: 21/21, 5/22, 11/22 i 16/22, u daljem tekstu: Zakon) i člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“ broj: 9/22, u daljem tekstu: Pravilnik), Ministarstvo obrazovanja i nauke Tuzlanskog kantona, rješenjem broj: 10/1-34-028349-2/23 od 19.9.2023. godine, imenovalo je Komisiju za licenciranje studijskog programa trećeg ciklusa studija „Ekonomija i digitalno poslovanje“ na Ekonomskom fakultetu Univerziteta FINRA Tuzla (u daljem tekstu: Komisija).

Nakon provedenog postupka i ocjene svih dokaza pribavljenih u predmetnom postupku, Komisija je u skladu sa članom 18. Pravilnik sačinila i Ministarstvu dostavila Izvještaj u kome je, između ostalog, navedeno sljedeće:

„Predloženi studijski program svojom strukturom usklađen je sa članom 126. stav (2) Zakona kojim je propisan sadržaj studijskog programa, odnosno isti sadrži minimum propisanih elemenata. Takođe, predloženi studijski program svojom strukturom prati principe Bolonjske deklaracije. Komisija ima zadatak da ocijeni da li u momentu razmatranja pojedinih nastavnih jedinica i akademskih sadržaja istih postoji ili ne postoji ispunjenost pojedinih kriterijuma propisanih važećim propisima, s obzirom na to da je zadatak nadležnih organa da u perspektivi ocijene način na koji se dati studijski program implementira. Kada je u pitanju kvalitet akademskog sadržaja smatramo da isti, u dovoljnoj mjeri, zadovoljava propisani kriterijum za njegovo licenciranje, odnosno svojim sadržajem slijedi savremene naučne zahtjeve iz date naučne oblasti, koji nude dovoljno kvalitetne osnove za uključivanje budućih svršenih studenata na tržište rada. Osim toga, koncipiran je u skladu sa sličnim licenciranim studijskim programima relevantnih domaćih i regionalnih visokoškolskih ustanova. Ako bi se predloženi studijski program implementirao u svom punom kapacitetu, onako kako je to naznačeno u sadržaju istog, završetkom studija studenti, smatramo, stiču visoko napredna

znanja i vještine za rad i naučne aktivnosti u predmetnoj oblasti, koji kroz svoj sadržaj (nastavne predmete) studentima nudi kvalitetne osnove za uključivanje u akademsku, naučnu i stručnu javnost.

Strateška opredjeljenja Univerziteta FINRA Tuzla usmjerena su na ostvarivanje snažne saradnje sa privredom i društvenim djelatnostima. Ekonomija i digitalno poslovanje je studijski program za koji u narednom periodu može postojati poseban akademski, naučni i privredni interes koji osposobljava buduće doktore ekonomskih nauka da se bave rješavanjem najkompleksnijih pitanja i zadataka iz oblasti računovodstva, revizije, finansija, kontrolinga, menadžmenta, digitalnog poslovanja isl. Studijski program Ekonomija i digitalno poslovanje je koncipiran tako da na interdisciplinarnan, cjelovit i sveobuhvatan način pruža studentima najnovija teorijska, metodološka i profesionalna saznanja iz oblasti računovodstva, revizije, finansija, forenzike, kontrolinga, digitalnog poslovanja, menadžmenta i poslovne informatike. Ishodi učenja na studijskom programu trećeg ciklusa studija „Ekonomija i digitalno poslovanje“ na Ekonomskom fakultetu Univerziteta FINRA Tuzla usklađeni su sa savremenim naučnim zahtjevima, te postoji jasna povezanost ishoda učenja sa ishodima koji su navedeni u silabusima pojedinačnih nastavnih predmeta.

Uspješna realizacija studijskog programa trećeg ciklusa studija „Ekonomija i digitalno poslovanje“, mišljenja smo, omogućava doktorima ekonomskih nauka, sa usmjerenjima Računovodstvo i revizija, Finansije i kontroling, Menadžment i digitalno poslovanje stjecanje znanja koje završni student – doktor nauka dobija, omogućava dublje teorijsko poznavanje iz užeg i šireg područja oblasti doktoriranja, kritičko promišljanje i prosuđivanje, sposobnost definiranja relevantnih istraživačkih problema, korištenje savremenih istraživačkih metoda, postupaka i alata, korištenje kvantitativnih i kvalitativnih metoda istraživanja, sposobnost analize, sinteze i nalaženje odgovarajućih objašnjenja uz sposobnost interdisciplinarnog postupka, sposobnost primjene teorijskih saznanja u praksi, sposobnost komparacija različitih rješenja i izbor optimalnog rješenja, samostalnost, autonomnost i samoinicijativnost pri istraživačkom i naučnom radu i prilagođavanje novonastalim uslovima, osposobljenost rada u istraživačkim grupama, mogućnost uključivanja u akademsku zajednicu kroz izbor u nastavno zvanje docenta. Ishodi učenja na studijskom programu III ciklusa studija „Ekonomija i digitalno poslovanje“ usklađeni su sa savremenim naučnim zahtjevima i praktičnim iskustvima. Sadržaji studijskog programa koncipirani su na osnovu ključnih znanja i vještina iz oblasti računovodstva, revizije, finansija, kontrolinga, menadžmenta i digitalnog poslovanja, koji se bavi usavršavanjem vještina u najviši i najsloženiji nivo poslova iz oblasti u kojoj je doktorirao, rad u visokoškolskim ustanovama, rukovođenje ustanovom ili dijelom ustanove iz oblasti doktoriranja, naučno - istraživačkim institutima, razvojnim institucijama, državnim, entitetskim i kantonalnim organima i institucijama, privrednim komorama i institucijama iz oblasti doktoriranja, rad u privredi, bankama, nevladinim organizacijama, državnoj upravi, međunarodnim institucijama itd.

Po pitanju kapacitiranosti Univerziteta FINRA Tuzla da realizuje nastavne sadržaje pojedinih nastavnih predmeta (tj. da provede predloženi studijski program), konstatujemo da je Komisija dana 26.9.2023. godine izvršila posjetu istoj, te da je pored priloženih materijalnih dokaza, imala priliku neposredno utvrđivati činjenice vezane za postojanje odgovarajućeg prostora, biblioteke, računarskih sala, stalne internet konekcije, odgovarajući pristup objektu i prostorijama unutar Univerziteta FINRA Tuzla licima sa invaliditetom, te adekvatna nastavna sredstva da u skladu sa zahtjevima studijskog programa isti i realizuje. Konstatujemo da se Komisija neposredno uvjerila u postojanje odgovarajućeg prostora (učionice, amfiteatar, čitaonički prostor), odgovarajućeg pristupa objektu i prostorijama unutar Univerziteta FINRA Tuzla licima sa invaliditetom, opremljene računarske sale, pristupa internet konekciji, te drugu prateću infrastrukturu i opremu neophodnu za realizaciju predmetnog studijskog programa.

Univerzitet FINRA Tuzla raspolaže neophodnim prostornim kapacitetima za izvođenje studijskog programa III ciklusa studija „Ekonomija i digitalno poslovanje“, pregledom objekta od strane komisije utvrđeno je da Univerzitet FINRA Tuzla zadovoljava pomenute kriterije. Univerzitet FINRA Tuzla ima obezbijeđene kapacitete po ugovorima o zakupu čija ukupna površina zakupljenih prostorija iznosi 2.244,54 m², dok je minimalna potrebna površina u skladu sa standardima i normativima 1.853,60 m², iz čega proizilazi da ispunjava uslove propisane u standardu 10, jer je obezbijeđeno je 390,94 m² više od minimalno potrebne površine (2.244,54-1.853,60). Uzimajući u obzir normative vezane za površinu (optimalna površina za humanističke nauke iznosi 8 m², dok minimalna površina iznosi 70% optimalne) i planirani broj studenata za upis na studijski program III ciklusa studija „Ekonomija i digitalno poslovanje“, a može se zaključiti da su zadovoljene propisane norme o površini po jednom studentu.

Visokoškolska ustanova ima tehnički potencijal za vršenje akademsko-obrazovne djelatnosti se sastoji od 56 računara, servera, 4 štampača, 4 video projekta, up link 512Kb/s, mreža lan 1Gb/s na 100Mb/s i četiri pametne table. Informatičke učionice su opremljena sa po 20 računara posljednje generacija, 12 računara je obezbjeđeno za rad u amfiteatru, učionicama, studentskoj službi i biblioteci, dok su 4 računara prenosivi računari namijenjeni radu nastavnika i saradnika, kao i održavanju prezentacija, naučnih skupova i stručnih konferencija izvan sjedišta škole. Ovakav tehnički potencijal u osnovi je uspostavljanje jedinstvenog informacionog sistema na nivou Univerziteta FINRA Tuzla.

Visokoškolska ustanova ima obezbjeđen odgovarajući broj stručnog bibliotečkog osoblja, te prostorije i opremu za smještaj, čuvanje, obradu, izdavanje i korištenje bibliotečke građe. Bibliotečki fond se sastoji od obavezne udžbeničke i priručničke literature za sve studijske programe, odgovajućeg bibliotečkog fonda općeg sadržaja; stručnih i naučnih serijskih publikacija, diplomskih radova odbranjениh na visokoškolskoj ustanovi. Biblioteka visokoškolske ustanove Univerziteta FINRA Tuzla obezbjeđuje najmanje 31.125 relevantnih knjižnih jedinica bibliotečkog fonda, odnosno nesmetan pristup odgovarajućim elektronskim bazama podataka u funkciji realizacije naučno-nastavnog procesa.

Maksimalno opterećenje nastavnika u nastavi predviđeno Standardima i normativima visokog obrazovanja Tuzlanskog kantona iznosi 10 sati predavanja sedmično u okviru 40-satne radne sedmice, prosječno na godišnjem nivou, a za asistenta 15 sati vježbi sedmično prosječno na godišnjem nivou. Nastavnici koji budu držali i vježbe, broj sati vježbi do optimalnog opterećenja se izračunava tako da su dva sata vježbi ekvivalentna jednom satu predavanja. Prema Zakonu o visokom obrazovanju TK (član 25.), visokoškolska ustanova ispunjava kadrovske uslove ako ima u radnom odnosu najmanje jednu polovinu od ukupnog broja nastavnika potrebnih za izvođenje nastave na obaveznim nastavnim predmetima. Kada se uzme u obzir broj sati nastave po semestrima, odnosno u toku godine, postojeći minimalan kadar koji mora biti u radnom odnosu je 3 zaposlenika, bez vanjskih saradnika. Obzirom da Univerzitet FINRA Tuzla ima potpisane predugovore o radu sa 8 nastavnika (1 emeritus, 2 vanredna profesora, 5 docenata), 5 viših asistenata, 4 asistenta i jednim stručnjakom iz prakse, proizilazi da je na predmetnoj visokoškolskoj ustanovi osiguran potreban nastavni kadar za realizaciju predmetnog studijskog programa. Što se tiče neakademskog osoblja, prema dostupnim podacima predmetne visokoškolske ustanove ista je angažovala potrebno neakademsko osoblje u skladu sa Standardima i normativima visokog obrazovanja Tuzlanskog kantona.

Analiza strukture studijskog programa III ciklusa studija „Ekonomija i digitalno poslovanje“ na Univerzitetu FINRA Tuzla pokazuje da je on usklađen sa principima Bolonjske deklaracije. To se ogleda u sljedećem:

- Jasno je za svaki nastavni predmet naveden broj časova predavanja i broj sati individualnog rada doktoranta, te vrijednost ECTS bodova (European Credit Transfer System) koji nosi određeni predmet,
- Zbir bodova svih predmeta u jednoj godini je 60 ECTS bodova,
- Način polaganja ispita, pri čemu se sve aktivnosti studenta predviđene silabusima boduju, predispitne obaveze (kolokviji, projekti, seminarski radovi) i završni ispit,
- Kroz silabuse pojedinačnih nastavnih predmeta je vidljiva vrijednost predmeta u ECTS bodovima, ishodi učenja, ciljevi učenja i sadržaj nastave po predviđenim sedmicama nastave, kao i način sticanje bodova (te vrijednost bodova za svaku aktivnost) kroz različite predispitne obaveze i završni ispit.

Cijeneći sve ranije navedeno Komisija daje pozitivnu ocjenu vezano za licenciranje studijskog programa trećeg ciklusa studija „Ekonomija i digitalno poslovanje“. Konačna ocjena Komisije je donesena jednoglasno i nema izdvojenih mišljenja.“

Na osnovu konačne ocjene i mišljenja Komisije, u skladu sa odredbom člana 27. stav (6) Zakona i člana 21. stav (1) Pravilnika, odlučeno je kao u izreci ovog rješenja.

Pouka o pravnom lijeku: Protiv ovog rješenja može se izjaviti žalba Komisiji za drugostepeno upravno rješavanje Vlade Tuzlanskog kantona, u roku od 15 dana od dana zaprimanja rješenja.

DOSTAVITI

1x Univerzitet FINRA Tuzla (sa dostavnicom)

1x Evidencija

1x Arhiva

EM



VISOKA ŠKOLA ZA FINANSIJE I RAČUNOVODSTVO
FINra TUZLA

Broj: 1003-4 / 23

Datum: 10 10 20 23 god.